

الدمع غالي

ولعت صوابي شمع لناس ما تستاهلش
نزلت دموع عنية دمة ورا دمة ودموعها ما تنزلش
حزين يا قلبي لما اللي اشتريتهم هما اللي باعوني
بصو لناس تانية ولا جم ودعوني
أنا مش هدور عليك وأنا مش على بالك
معدش ف قلبي ليك غير بس أحزانك
بلاش نواح وبكا يا عين بكيت سنين
كفى يا عيوني كفى دا الدمع غالي يا عين

الحب لحظة

لما شوفتك عيني كانت ف لحظة طيف
وقلبي لما دق ما حس بتلج الشتا ولا بحر الصيف
حب الربيع أحلى ولا حب الخريف
الحب دا هيطول ولا ضايع مع الريح
حتعلم منه القوة ولا أعرف الخوف
وأقول الله في قلبي كفاية بقا كسوف
لون الحب أحلى ولا لون الطيف
نار القلب أكثر ولا نار الصيف
رسمت صورتك ف قلبي بريشة ولون الطيف
كتبت اسمك تحتها لما شافتك عيني